



ЯМДЕ-ЛИЙ

1933 ий 1 февраль годсек лектеш.

0+

Чимом шылташ, пöлеклан
изиенжат, кугыенжат
йывыртат. А те йолташлан,
лишыл енлан але родо-тукимлан
амал деч посна пöлекым ыштен
улыда? Уке! Тугеже **14 фев-**
ральыште, Книгам пöлеклыме
тўнямбал кечын, тидым ышташ
вашкыза. Ты кечын Российыште
«Дарите книги с любовью» акций
икымше гана эртаралтеш. Кажне
кумылан ен библиотекеман,
школлан але йолташлан книгам
пöлеклен кертеш. Книга деч сай
пöлек эше мо лиеш?

Теве Шернур район Мустай
школын 2-шо классыштыже тунем-
ше-влак: Катя Ибраева, Денис
Домрачев, Ксения Конышева,
Айвика Мустаева (**снимкыште**) –
марий книга-влаклан чот куане-
ныт. Тыгай пöлек «Ямде лий»
газет редакцийын эртарыме поте-
рей модышышто логалын. Йоча-
влак газетна дене 1-ше класс гыч
кылым кучат. Нунылан Мустай
школын выпускницыже,
бизнесьен
Д.И.Кораблёва
«Ямде лийлан»
подпискым
ыштен пуэн.
Тыгай чапле
пöлеклан ўдыр-
рвезе-влак Дина
Ивановналан кугу
таум ойлат.

Л.ГРИГОРЬЕВА.

МЫЙ ТЫЛАТ КНИГАМ ПÖЛЕКЛЕМ



Книгам
пöлеклыме тў-
нямбал кече икымше
гана 2012 ийыште палем-
далтын. Тудым Миннесот
(США) штатыште илыше
школ библиотекарь да книга
блогер Эми Бродмур шонен
луктын. Тылеч вара ты
кечыл палемдымашке
30 утла эл ушнен.



14 ФЕВРАЛЬ –
Йöратыше-влакын кечышт.
Лишыл енлан эн сай
пöлек – книга!

18 февральыште
Йошкар-Олаште
«Наукаш - икымше
ошкылем» Поволж-
ский шанче да ту-
немме форум ви-
зымше гына эрта.
Тунемше-влак (5 кл.
гыч тўнгалын) 19
секцийыште шым-
лыме пашаит дене
налдарат.

Марий Эл
Республикысе кур-
чак театр «Я
люблю эту куклу!»
йоча кидпаша кон-
курсым эртара.
Конкурс нерген
[«Айдеме-
Патыр» йомак-
книга рушла да
марла савык-
талтын. Тудо
изирак клас-
слаште тунем-
ше-влаклан
кельштарал-
тын.](http://teatr.kukolm.ariel.ru/news сай-
тыште ончыза.</p></div>
<div data-bbox=)

«Ямде
лий» - тылат
йолташ!

Увер-
выр-
выр



Уверлан уло вер

Марий Элысе выпускник-влакын ача-авашт, Всероссийский акцийышке ушнен, руш йылме дене ЕГЭ-м возат. Тергыме паша Йошкар-Оласе М.В.Ломоносов лумеш лицейыште 11 февральыште эрта.

* * *



Йошкар-Олашке «Ералаш» киножурнал унала толын. 11-12 февральыште йоча-влаклан мастер-класс-влак эрта-ралтыт. Тиде киножурналыште войзалташ артист койышан ўдыр-рвезе-влакым ойырен налыт.

«Ямде лийын» чап онгаже



Морко район Коркатово лицейы 10-шо «А» классыштыже тунемше Дмитрий САТАРАЕВ

Пошкырт кундем Дортыльо район Маядык ялеш шочын-кушкын. Коркатово лицейышке биологий да химий классышке шинчымашым погаш толын. «Нылытан» ден «визытанлан» тунемеш. Вич предмет дене районысо олимпиадыште уш-акылжым терген. ОБЖ, химий дене призёр лийын. Биологий, экологий, географий дене сенгыше радамышке лектын. Районын чапшым республикысе олимпиадыште аралаш тўналеш. Тале спортсмен. Волейбол дене школ командыште модеш. Тўрлў мероприятийыште участвоватла.

Света Кутузова Оршанке кыдалаш школышто нылымше классыште тунемеш.

– «Ямде лийын» ончыч

лудын омыл, но

кочаем Юрий

Николаевич

Николаев эре

налеш. Сандене

мыят ынде уло

кумылын шуматкечым

вучем, газетыште

тўрлў заданийлан, уштодышлан

вашмутым кычалам, – ойла ўдыр.

– Газет мыланем марий йылмым

сайынрак палаш, марий йылмыште

орфографий, пунктуаций правил-

влакым тунемаш пеш полша.

Н.СЕМЕНОВА.

Ямбулатова вуйлата. Шукерте огыл меат, кокымшо классыште тунемше ўдыр-рвезе-влак, «Шонанпыл» йоча организаций радамыш пурышна. Кандашымше классыште тунемше-влак шўйышкына галстукым кылдышт. Ынде меат «Шонанпыл» дене пентгыде кылым кучена.

Шернур, Кукнур.

«Шонанпыл»

Школыштына «Шонанпыл» йоча организаций уло. Тудым Нина Леонидовна


Кира ЯМБАРШЕВА.

Кинде – илыш вий

Киндым чот перегиман. Лийын тугай жап, кунам калык шемрокым кочкын илен. Кугыен-влак южгунам киндым луктын кудалтат. Тыгай сўрет поснак олалаште палдырна. Ожно чыла пашам кидвий дене ыштеныт. Кызытат киндын ўстембаке толын шумыж марте шуко пўжвўд йога. Ме тамле киндым кочкын илена. Тоштыен-влакым жаплен, киндым аралышаш улына.

Аня ЯКИМОВА, 7-ше класс.

У Торъял, Тошто Торъял.



Интернет тўняште

Интернет кызытсе жапыште айдемын пашажым ятырлан куштылемден. Но тудын осалжат шагал огыл. Шинча пўсылык начаррештеш. Интернет дене пайдаланыме правил-влакым сайын палыман.

Интернет-мошенник-влак вирусан программым колтат гын, компьютер локтылатеш. Интернетыште кўлешан уверым веле кычалман. Онай книгаг лудаш, кином ончаш лиш. Шке нерген тўрыс уверым тушан верандыман огыл. Интернет жапым моштен кучылтшылан веле пайдам конда.

Алёна ВАСИЛЬЕВА, Никита НИКОЛАЕВ.
Морко, Эгерсола.

Марий Элыште 1-10 февральыште «Лўдыкшыдымў Интернет» декаде эртен.



Давид ВАСИЛЬЕВ Морко районысо Шордўр йочасадыш коштеш. Йоча-влак дене пырля тўрлў модыш дене модеш, сўретла, воза, пластилин дене ненча, шотлаш тунемеш. Нуным Надежда Викторовна тунукта. Давидлан эн чот докторла модаш келша. Еным эмлаш сай паша, но куштылго огыл.



Икымше олимпиадем

Марий йылме да литератур дене районшто эртыше олимпиадыште икымше гана уш-акылем тергенам. Кандашымше классыште тунемше-влак коклаште ончыл верыш лектынам. Йоратыме туныктышем З.А.Беляевалан кугу таум ойлем. Мыняр шуко жапым тудо мемнан дене эртар! Ешартыш шинчымашым пуаш манын, чот тырша.

Валентина КУШАКОВА.

Советский, Кодам.

Түшкаште - вий



Ваш келшен, икте-весылан полшен илаш тўналына гын, мемнам нигдат сетен ок керт!

Марий йылмым да литературым туныктышына В.И.Копаева ятыр мероприятийым эртар. Денис Васильев, Настя Охотникова, Назар Назаров, Николай Иванов, Илона Александрова, Алёша Дмитриев, Дима Михайлов кажнышкыже кумылын ушнат. Вера Иосифовна мемнам марий йылмынам аклаш, йораташ туныкта. Келшымашын вийжым умылаш манын, выныкым тугаш пуыш. Но тидым ыштен ышна керт. Рудымек, посна воштырым куштылгын тодыштна (снимкыште).

Данила ВАСИЛЬЕВ,
8-ше класс.
Морко, Шордүр.



Авторын фотолжо.

Тоштер - илыш вүршер

Медведево район Руш Кукмарий школ музейлан тўналтышым 1990-ше ийлаште пыштыме. Историйым туныктышо Денис Сайпанович Сайсанов ўдыр-рвезе-влакым шымлыме пашалан кумыланден. Йоча-влакым Угарман кундемш археологий кўнчымашке намиен. Кызыт тоштерыште түрлө пөлка уло: икте школын эртыме корныж дене палдара, весе «Суртовский» ялозанлыкын историй-жым шарныкта, Сенгымашлан пөлеклалтше пөлкат ойыртемалтше. Йоча-влаклан марий калыкын илыш-йўлаже, историйже, озанлык ўзгарже-влак дене палдарыше этнографий пөлка утларак келша. Историйым туныктышо Галина Геннадьевна Иванова этнографий кружокым вуйлата. Снимкыште кружокын ик эн чолга енжым, Кристина Михайловам, ужыда.

Л.ГРИГОРЬЕВА.



РЕВОЛЮЦИЙ ДЕЧ ОНЧЫЧСО МАРИЙ

Глезденев Павел Петрович (чимарийла: Мендияров Ислам-Гарей) 1867-1923

Просветитель, литератор, этнограф. Пошкырт вел Балебей уездысе Тымбагуш ялеш (кызыт Шараң район) кресаньык ещеш шочын. Пўрö оласе учитель да Упö оласе духовный семинарийлам, Озангысе духовный академийым тунем лектын. Первый очеркше 1894 ийыште «Этнографическое обозрение» журналеш печатлалтын. 1907 ийыште В.М.Васильев дене пырля «Марла календарьым» лукташ тўналыныт. 1908 ий гыч Вичыште пашам ыштен. Тўрлө черым эмлыме, волькыкым, мўкшым ончымо нерген марла книга-влакым ямдылен.



1914-1917 ийла - «Война увэр» марла, тыгаяк лўман татарла да одыла газет-влакын редакторжо. Пўрö олаште I Марий Погыным эртарыше, «Марий ушем-ым» ыштыше-влак кокла гыч иктыже. 1918 ийыште губернийысе калык туныктымо пөлкаште, Виче педагогике институтышто пашам ыштен. Тиде жапыште одо йылме грамматикым, «Тептяри» этнографий очеркым, марий йылмым моло финнугор калык йылме дене тагастарен лончылымо статьям возен. Пагул Ача псевдонимым кучылтын. Наукышто чот тыршымыжлан 1920 ийыште профессор лўмым пуымо. 1919 ийыште «Мужедше» пьесыже посна книга дене лектын. 1923 ийыште Виче олаште коллен.



Йоча-влак, кундемшытыда кучылталше диалект мут-влакым возен колмыза.

Шуматкече

Онгыр шоктыш.

Йывырталын,
Южышт вашла ондалалтын,
Кө портфельже ден
лупшкедыл,
Икте-весе ден шүкедыл,
Класс гыч, школ гыч лектедат.
Ынешт код тетла иктат.
Каныш кече вет эрла,
Кажнын кумыл весела.

Наташа СИДОРОВА.
Татарстан, Мамадыш,
Кугу Шия.



Туныктышына

Мемнам Марина Семеновна Михайлова (снимкыште)
1-ше класс гыч туныкта. Тудо нигунам ок вурсо. Кажне эрдене порын шыргыжалын вашлиеш. Пырля эр зарядкым ыштена. Вара урок тўналеш. Туныктышына чын возаш, писын лудаш, сайын шотлаш туныкта. Тўрлө мероприятийым эртарена.

Валентина ИШИМОВА, 3-шо класс.
Татарстан, Агрыз, Пелемеш.



Омо тунемаш таратен

Илен улмаш Мичу лўман рвезе. Тудо 6-шо классыш коштын, но тунемаш пешак өрканен. Икана урокышто Мичу шонкален шинчен: «Эх, нимом ыштыде илаш гын, сай лиеш ыле. Школышкат каяш ок кўл, мўнгыштө гына веселан шинчем ыле», - да шижде мален колтен. Тыгай омым ужын: Мичу мўнгыштө яра шинчен. Тыге шинчен-шинчен, шерже темын. Уремыш лектын - иктат тудын

дене ок кутыро, чылан ўмбакше сырен ончат. Но ик йоча тудын ончыкыжо толын шогалын да пелештен: «Ме чылан тунемаш тыршена, тый гына йолагайланен илет». Тыге манмылан Мичу тарай гай йошкарген каен.

...Йынгыр йўк Мичум помыжалтарен. Тыш-туш ончалын - йолташыже-влак переменыш лектыт, весела улыт. Тудынат тунеммыже шуын колтен. Тыге Мичум омыжо тунемаш таратен.

Алина БОЧКАРЕВА.
Татарстан, Агрыз, Буймо.

Келшымаш илышым волгалтара

Йолташем Александр Кулаков Одо ялыште ила, 6-шо классыште тунемеш. Тудо Мыйын поро, сай йолташ. Ме коктын ик йоратыме йолташем парт коклаште шинчена. Саша - Настя. Уроклаште ме физкультур, историй, рисований коктынат эре «визытаным» уроклам йората. Сайын тунемеш. Келшымаш илышым кече налаш тыршена. Урок деч вара яра жапнам модын-воштыл эртарена, икте-весеылан секретна-влакым каласкалена. Настя - пешак весела, поро чонан, ласка ўдыр.

Тимур ДМИТРИЕВ.



Мыйын йолташем - Инна. Тудо Варале ялыште ила. Мураш, кушташ йората, кажне мероприятийыште мастарлыкшым ончыкта. Коктынат спортым йоратена, садлан футбол секцийыш коштына.

Настя ТИТОВА.

Одо кундем, Алнаш район, Одо школ.

Аванам йоратена

Авамын лўмжө - Инна. Тудо Чарлак села-се йочаадыште пашам тыршен ышта. Авам - шўжарем дене когылянна пример. Мемнам кочкаш шолташ, пидаш, пёрткөргым арулыкышто кучаш, поро лияш, тунеммаште тыршаш, шонгырак-влаклан полшаш туныкта. Аванам чот йоратена. Туддеч посна иленат огына керт.

Полина АЙТИЕВА.
Инна МИРОНОВАН
сўретше.

Пошкырт, Дөртыльё,
Чарлак.



Модаш сай

Мамык гае лум велеш.
Шўжарем модаш лектеш.
Лум курчак-влакым ышта,
Мыйымат пырля кўшта.

Йылгыжалын, шыргыжалын,
Лум шинчам йымыктара.
Вашка мландыш, шулдырангын,
Лывыла чўчкен вола.

Телын лумжо шуко-шуко,
Школ корнемат петыра.
Ошкылашем пешак йөсө,
Ече ден(е) кошташ - вот сай!

Алиса МИКСОНОВА.
Пошкырт, Мишкан,
Чорай.





Еш нерген

Сенгышыш лектыныт:
 Матвей Куртышев (изирак ийготан группо),
 Татьяна Никифорова (кыдалаш ийготан группо),
 Софья Лисицина (кугурак ийготан группо).

«Теремок» йочасадыште почеламутым сылнын лудмо конкурс эртыш. Тудо «Еш» темылан пӧлеклалтын. Коло кум йоча В.Рожкинын «Ава», А.Федоровын «Авием», А.Мокееван «Авамлан полшем», А.Бикын «Шӱжарем», В.Сапаевын «Шӱжарем», Я.Ялкайнын «Йӧратем мый кувавайым», Г.Ивановын «Кочам гай коям», И.Емельяновын «Изи пашаче», Л.Иксанован «Иза» да модо почеламутым йонгалтарен. Йоча-влакын мастарлыкштым аклаш полшаш

Красногорский библиотекем вуйлатыше Алевтина Александровна Семенова толын. Тудлан кугу таум ойлена. Сылнымут полшымо дене йоча-влак йылмыштым лывыртат, родо-тукымыштымат чотрак йӧратат.

Звенигово, Кожласола.

Р.А.КАШКОВА, туныктышо-логопед.

Рыг ошкылам, салтак улам

Элым аралышын кечыжлан ямдылалташ полыш.

Лийына салтак

Изанам ончена,
 Ме изиш кӧранен, –
 Шочмо элым толеш арален.
 Рышт-рошт, рышт-рошт!
 Ошкылал колта.
 Рышт-рошт, рышт-рошт!
 Вот могай салтак.
 Изана гае меат,
 Рвезе-шамыч, чылан
 Муралтен колтена веселан.
 Рышт-рошт, рышт-рошт!
 Эртена чаткан.
 Рышт-рошт, рышт-рошт!
 Лийына салтак!

Вячеслав АБУКАЕВ.



Аралет, изаем,
 Шочмо элым,
 Автоматым онеш тый ишен.
 Да йӧратыме сылне ялетым
 Шарналтет,
 постыштетше шоген.

Римма НИКОЛАЕВА.

Каена рат дене

Икыт, кокыт, кумыт...
 Каена рат ден.
 Икыт, кокыт, кумыт...
 Эртена мурен.
 Икыт, кокыт, кумыт...
 Шотлена адак.
 Икыт, кокыт, кумыт...
 Улына совет салтак.

Аркадий ГОРОХОВ.

Пилотко

– Мыйым вуйышко упшалыт,
 Чулым, патыр
 салтак лийыт.

Василий КРЫЛОВ.

Орол

Границе вес велне
 Нимо огеш кой.
 Границе воктене
 Шога часовой.
 Воктенже ушанле
 Эше вес орол:
 Пушенге йымалне
 Шинча пий – Орёл.

Осмин ЙЫВАН.



Кумда вершӧрна – пӱтынъ эл,
 Салтакын чонлан

моткоч шерге,
 Элна – чылт ава,
 чылт шӱмбел,
 А ме улына ушан эрге.

Александр СЕЛИН.

Вашкерак кушнем

Армий гычын ужаш толын
 Мӧнгышкӧ салтак изам.
 Саламлем мый,
 шӱм-кыл шолын,
 Санга дек ыштем кизам.
 Изам деч налам фуражкым,
 Кительжат «лачак» толеш.
 Мыйым кӧ ужеш гын, кажне
 Шыргыж

«Чылт салтак» манеш...

Нангая пырля уш пого –
 Кызыт мӧнгыштӧ ом ул.
 Мыланемже шучко огыл
 Нимогай тӱтан да тул.
 Тевыс виктарем мый танкым,
 Самолӧтым виктарем.
 Кеч-могай тушман атакым
 Лӱддегечын чактарем.
 Ушана мылам элемже
 Кугу сомылым шукташ.
 Тудын патыр паша семже
 Йырым-йыр йонгалт шокта.
 Тыныслан пален чын акым,
 Тӱзлана Элем, пелед.
 ...Эх, изай гай вашкеракын
 Патыр лийын кушкашет!

Геннадий САБАНЦЕВ.

Сар огеш кӱл мыланна

Ончык илышын ушанже
 Ме, йоча-влак, кушкына,
 Лийже мир тӱна умбалне,
 Сар огеш кӱл мыланна!

Анатолий БИК.





ЭЧУК: «Шына» басным тунемынат?
ПАМПАЛЧЕ: «Пый, пый манылден, шына кидышкеш шинче», - ойленат пуэн кертам. Авторжымат палем – Татарстан кундем Элнет марий ял гыч Михаил Степанович Герасимов-Микай.

ЭЧУК: А мый Микайын эргыжым палем. Олег Михайлович Герасимов. Тудо **1937 ий 16 февральште** шочын. Ачаже марий кокла гыч басным возышо икымше ег лийын гын, эргыже марий коклаште гына огыл, эсогыл уло Марий Эллан икымше искусствоведений доктор.

ПАМПАЛЧЕ: Шочмо кечыже вашеш айда Олег Михайлович деч изи годсо пагытше нерген йодышт налына.

колынам. Тунам, 1955 ийыште, ачамлан чапкүм почыныт. Тушто тудын илыш корныжым радамлен ойленыт.

- А Те ачадам шарнеда?

- Ачай Элнет школын директоржо лийын. Пеленже школыш кошташ пеш куанем ыле. Тудо урок гыч лекташ йынгырым мылам пуыктен. Күртнӧ онгырым кидышкеш кучыкта да «Мий, коридор мучко куржтал тол» манеш. Эше шарнем: кастене ял калыкым ик кугу пӧртыш собранийыш пога ыле. Керосин лам-


ЙОЧА ПАГЫТЫН ОМСАШКЕ ТҮКАЛТА

- Йоча пагыт мыняр жап шуйна? Мыйын гын уке-уке да шке улмыж нерген кызтат шижтара! А серъэзынрак ойлаш гын, изи годсо жап гыч икмынржым пеш порын шарнем. Мутлан, тыгайжым: пӧртна Күшыл мучаш уремыште эн мучаште ыле. Телым лум пӧртвуй деч күшкӧ погынен. Ме, нӧга-влак, пошкудо-влак деке корно гоч лум йымач коридор гайым күнченна, а тиде «изуремын» кок могырыштыжо модашна изи пӧлем-влакым ыштылынна.

Эше весе: ачам уке лиймек, ме Чапи кочамын тошто сурт олмышкыжо илаш куснышна. А тушто кажне шошым кугу вӧд шарлен. Мый она дене изи плот манметым ыштенам да «кугу мландыш» ешемем лукташ толашенам. Икана кагаз «билет» почеш моло-влакым шупшыкташ шоненам – оксам ыштынем огыл, калтак! Но мылам изам-влак бизнесмен лияш пуэн огытыл! А вашке тиде бизнесшым ышташ тунем шуым: пакча шенгелнына моткоч ладыра, шолдыра кичкан ломбына ыле. Чыланат шке ломбыгичкыштым кочкын пытарат, тамжымат мондат, а мемнан кӱын шуэш веле. Тунам ялна деч иктаж ныл менге торасе пазарыште «кӧ улам!» лийынам! Сатуэм «конкуренций» деч посна каен. Оксам ышташ толалаштынак. Жапше вет могай ыле – Кугу Отечественный сар пытымылан улыжат 5-7 ий веле эртен.

- Те чылалан палыме ег Микайын эргыже улыда манын, ойленыт мо?

- Уке. Тыгайым омат шарне. Писатель эрге манын «йӱкын», чыла калык ончылно, 10-шо классыште тунеммем годым веле



Микайлан чапкүм почмо кечын аваж дене пырля. 1955 ий.

пын волгалтарымыж дене ег-влак дене мутланен, Кугу Отечественный сар нерген ойлен (а тунам сар каен). Ачай шкеже, сенгемашым вучен шуктыде, илыш дене чеверласыш. Ужаташ пеш шуко калык погынен ыле. Авам ойлымо гыч палем: ачам шодо пуалме чер дене черланен улмаш, а эмлым-верыш каяш жапым муын огыл, эре пашам ыштен. Тыге мый ачай деч шым ияш кодынам.

- Ачадан иктаж арвержым араледат мо?

- Йылгыжше коман тетрадыше кодын ыле. Тудым пеш йӧратенам, пеленем нумалыштынам. Ачай колымо ийын шыжым 1-ше классыш кайышым. Марий, руш, татар, одо йоча-влак пырля тунемынна, коклаштына чыланат марла мутланенна. Классыштына

мыйын гына тетрадь лийын, молыжо газетеш возеныт. Но почеркем пеш шӱкшӧ ыле. Сандене икана туныктышына возымемлан чот сырыш да тиде тетрадемем шӱкшак ведраш кушкеш кудалтыш.

- Ой-ой. Мӧнгешат луктын огыдал?

- Тунам пеш изи лийынам, лӱдынам дӱр.

- Олег Михайлович, а Те кузе музыковед-фольклорист лийында?

- Изием годсек гармоньым але баяным шокташ тунемаш шоненам. Но музыкант лияш ышт пу. «Тыйын уло родо-тукумет туныктышо улыт, тят тугаяк лий!» маньыч.

Умбажыже - 7-ше лаштыкыште.
 Йоча-влак, кушто мом колыда-ужыда, чыла возен налза! Мый чынже денак йшанем: марий тӱвыранан, калык поянлыкнан ончыкылыкшо - самырык-влакын кидыште! Уда мондо тидым! Йолшыза тиде поянлыкым арален кодаш!
 О. Герасимов.

Саламлена!



О.М.Герасимов - 2-шо классыште тунеммыж годым шындыме куэже воктене. Элнет ял, 2015 ий.


Йошкар-Олаш пединститутыш пурышым, вуз дипломым налмек, мый шканемшке оза лийым да музыкальный училищыште тунемаш тўналтым. Икана кумдан палыме композитор А.Искандаров ик тошто марий муро книгама ончыктыш. Туштыжо Оксина акамын (ачамамын шўжаржын) эше 1919 ийыштак мурен кодымо мурыжо савыкталтын ыле. Мый мурен-шоктен ончышым да улышымын: тиде муро семым ынде мемнан ялыште ниготат (Оксина акам шкежат) ок шарне. Тунам шоналтышым: ик муро 50 ий жапыште мондалтын гын, мыняре тугеже эше йомын кертеш! Садлан дыр Моско консерваторийыш пурымекем, кажне ийын экспедициялаш мурым погаш кошташ тўналтым. Тиде мыйым музыковед-фольклорист корныш шогалтыш.

Мутланымым А.ЭМАНОВА колыштын.

Тазалыкым шуарена

Ава-влак пижерге ден перчаткылаш тўрлө-тўрлө шер пырчым ургеныт. Йоча-влак тазалыкым шуарыме пөлемыште нуным чият да икте-весеыштлан массажым ыштат. Массаж капым кандара, а икшыве-влак коклаште кыл пенгыдемеш.

И.НИКИТИНА.
Медведево,
У Арбан
йочасад.




Кидмастар

Пөлек



Янда атым пудыртенда гын, эн ончыч кугурак пудыргым погыза. Тыгыдыракшым выньык дене ўштынналза. Эн тыгыде пудыргым пластилин але жвачке полшымо дене погаш лиеш. Вара тиде верым ночно лапчык дене ўштса.

10 февраль - А.С.Пушкиным шарным кече



«Царь Салтан нergen йомак»

Сўретым чиялте.

180 ий ожно кугу руш поэт Александр Сергеевич Пушкин колен.Тудо 1799 ий 6 июнышто Москваште шочын. 1811 ийыште Царскосельский лицейышке тунемаш каен. Тыштак сылнымут деке шўмангын. 1814 ийыште «К другу стихотворцу» икымше почеламутшо савыкталтын.

Кудывечыште

Авторын фотожо.



Теле кечым йӧратена

Ме «Лесовичок» йочасад гыч улына. Телым уремыште модаш пеш йӧратена. Теве тыгай йомакысе троным ыштенна. Тушто шинчен ончетат, Йӱштӧ Кугыза деке миен толмо гаяк чучеш.

А.А.УНЖЕНИНА.

Медведево, Светлый.

Курык вуйыш

Ош лумеш, йыр пӧрдын,
Шӱргым, тӱрвым шупшалеш.
Чинче семын йылгыжалын,
Эркын мландышке велеш.
Йоча-влакше куаналын
Модын-воштыл юарлат.
Налын ечим, я издерым,
Курык вуйышко вашкат.

Лиза КУДРЯШОВА.

2-шо номеран
Морко школ.

11 февраль - Россияште телымсе спортын кечыже. Икымше гана 2015 ийыште палемдалтын.



Телылан да кенеглан келшыше арвер-влакым посна ойрыза.



Тушто



Йошкар ужгам нумалеш.
Пӱкшым, пӱгыльмым кочкеш.
Укш гыч укшыш
тӧрштылеш.
Ялыш южгунам толеш.
Алиса ЯНДИМИРОВА,
3-шо класс.

Шернур, Летник.
Алисан сӱретше.

А.Гринын «Алые паруса» повестьше почеш.

1. Повестьын тӱн геройжо.
2. Ассольын ачаже кушто пашам ыштен?
3. Ассольын илыме ялже.
4. Ал тӱсан мардежоным пӧлеклыше рвезе.
5. Ассольын аваже.
6. Грейын корабльже могай лӱман лийын?
7. Грейын ачажын лӱмжӧ.

Чыла йодышлан чын вашештеда гын, нарынче клеткылаште Ассольын ачажын лӱмжӧ лектеш.

Юлия АНИСИМОВА.

Морко, Коркатово.

Индекс: Марий Элыште - 78574,
вес кундемлаште - 52713.
Тираж 1150 экз. Заказ 226.
Формат - А-4-8.
Директор-тӱн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-ii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым Массовый коммуникаций сферыште да культур наследийым аралымыште законодательством шуктен шогымым эскерыше Федеральный службыв Приволжский федеральный округысо управленийыштыже регистрироватлыме.
Номер - ПИ №ФС 18-1999,
2005 ий 10 февральыште пуымо.

0+

Печатьыш пуымо жап - 14-00,
фактически - 13-00.
Ак - кутырен келшыме почеш.

Авторын да редакцийын шонмашышт тӱрлӧ лийын кертыт. Серыш-влак мӱнгеш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20.